

清夢外史精

卷一百九十一
並卷一百九十二

弟

九

十

七

冊

清季外交史料

附索引及西巡大事記



中華民國二十一年一月出版

總發行 王希隱

北平迺茲府關東甸七號

版權所有 翻印必究

清季外交史料卷一百九十一

光緒三十一年七月下至八月

目錄

署江督周馥覆外部日僧傳佛教恐貽患將來函七月二十一日

英使薩道義致外部寶昌公司與英商伊德已訂礦務合同無庸註

銷照會二十一日

外部覆英使寶昌公司與英商私訂礦務合同礙難允認照會二十日

外部咨聶緝禦義商貸款與高爾伊辦浙礦並無英商在內希與英

領辨駁文二十八日

鄂督張之洞致樞垣贖回粵漢合同請旨畫押電 附合同八月初四日

鄂督張之洞致樞垣粵漢贖路款已向英國商借電初六日

英使薩道義覆外部英商與寶昌公司所訂礦務合同蓋有關防照
會初七日

外部覆英使英商與寶昌公司私訂礦務合同實未蓋用關防照會

初九日

日俄樸司茂斯和約二件初九日

成都將軍綽哈布等奏提臣馬維祺率軍進克巴塘摺十八日

外部致胡惟德俄日新約有滿洲鐵路一帶駐兵與約不符請俄廷

熟籌電二十二日

諭載澤等乘坐火車出京炸彈猝發着查拿從重懲辦二十七日

清季外交史料卷一百九十一

黃巖弢夫王彥威輯

男希隱亮編

孫孝章敬立校

署江督周馥覆外部日僧傳佛教恐貽患將來函

敬覆者接奉鈞函日僧傳教一事飭令體察地方情形商酌辦法從速妥議見覆等因查江南等處寺僧向來安分守法有僧綱司爲之箝束有方丈爲之主持其收徒給牒則呈報於有司其創修廟宇則取決於紳士其徒衆宗派相傳類皆恪守清規不與外事偶犯戒律小者懲責戒尺大者革出山門故能奉法維謹其田地廟產皆由官紳商民布施

爲之護法間有詞訟由方官一體傳訊聽候判斷毋敢抗違其平日誦經功課則祝釐祈禱惟願民安國泰其建設齋醮則藉念經功德自食其力完糧交租迎神賽會與平民無異江南北大概略同今日僧傳教能悉如上所言乎若不能是歧佛教而二之也歧而二之則經典不同師法互異各有門戶顯分畛域將來必有中佛教日佛教如天主耶穌之分兩派兩教相爭相軋樂禍好事之徒再煽搆其間禍且無已此必然之勢非好爲危言也原佛教始入中國本由天竺而來其地即今之印度然二千年歷久相安教從外國來從無仗外國保護之事今若准日僧設堂傳教僧侶及皈依之人一體歸其保護其愚昧者恃保護而輕犯法其兇狡者藉保護而思抗官此譬如無疾之人呻吟求醫妄

服藥劑非特無益必致生疾僧徒異服異教本與平民迥然不同其能永久相安者平民信僧徒無倚勢作威之心僧徒亦知平民無彼此異同之見故論宗教則各行其是論情誼則各安其常也今日人傳佛教雖引耶蘇爲比查耶教在中國何嘗不傳布宏誓何嘗不勸人行善何嘗不分財施衆何嘗不贈醫給藥然民人言及教民無不痛心疾首者何也教民之良善者誠不乏人其黠桀者率皆恃教爲護符魚肉鄉里不服傳喚偶有細故教士袒護挺身插訟地方官不能盡明立約傳教之本意深懼別啟釁端每有抑勒平民隱忍公事教民訟勝則氣燄愈張百姓蓄憤愈深則禍機驟發愈烈拳匪之亂推原禍始未必非教民所釀成雖以八國聯軍之勢萬民荼戳之慘朝廷屢下哀痛之詔旨百

官有司宣布三令五申之文告然民皆面從其私心隱微仍有積不能平之處如電光石火一觸即發此皆日本官商所共見共聞者也泰西以新舊教相爭之故用兵百年殺人至百萬後始翻然覺悟不復強民從教禍根方絕於西方釁端又萌於東亞立約傳教以來五十餘年矣始則教與民仇民與教仇繼則教與教仇擾攘紛紜不可究詰此又環球人士所共見共聞者也民教成仇致乖睦誼各國之通人志士方且引爲殷鑒亟思變計著書立說謂傳教不無弊端日本通儒亦多持此論今不引以爲戒反從而效之曰耶佛未可岐視吾欲仿西人傳教毋乃時勢大相背謬乎商約二十五款利益均霑之說爲通商行船言之今欲強引爲傳教之比例夫傳教有何利益歷稽成案祇有德教士被

殺遂據膠灣爲利益之最大然此豈文明之通例萬國之公法乎中國
教門向來不一佛教之外復有道教回教道教寢衰回教之民在西北
者且千數百萬若謨罕默德之教援日僧爲例又將何以拒之各國基
督教最盛此外之婆羅門教波斯教摩門教宗教不同者尙有十數若
皆援日僧例則徧地皆教民教禍更無底止矣比年以來學堂諸生願
師日本游學諸生願留日本兵操則思改日本語言則樂效日本皆因
日本同文同洲相親相睦暱而就之若一設堂傳教勢必良莠不一流
品混淆宵小潛蹤支離蔓衍恐今日仇耶教者將來且轉而仇佛教不
特仇佛教且轉而仇開堂傳教之人也佛教入震旦以不爭競爲宗旨
士大夫信從繇延不絕印度之教日就衰滅而宗派轉盛於東方耶教

倚仗外勢動挾兵威然各教會竭盡能力合中國天主耶蘇兩教徒衆計之曾不及佛教十之一二論者謂中國人有特別之性質與各國之民殊而不知傳教本論理非論勢挾勢傳教人已知其理之不勝矣馥體察情形知江南斷不可開堂傳教傳教非特無益且有大損不必論將來虧損如何即以佛教比耶教中國人謂日國有教士有教民殆與各國之教士教民無異則日國名譽已大損矣馥服官北洋三十餘年辦理教案以千百計庚子之亂辛丑之和亦與教案相終始知之最深者言之尤切近日江西棠浦地方因龔姓不願村人傳教殺死教民六人開胸破腹備極慘忍教士噍噍至今不已教民無辜良可哀憫殺人者死又須抵償嗟彼愚民遭此殘害此又目前近事言之而痛心者也

務乞鈞署主持至計將開堂設教有損無益之處切言於日使之而信此兩國之福也若其不信諺有之曰欲知來者視往昔試觀從前各國傳教是何情狀則可知後來日本傳教作何結果矣中國聽民從教與各國同然無治外法權與各國異如日本固爭不已必欲傳教則請與日人約一如日人與泰西訂約故事以若干年爲期中國將律例參仿東西各國修改妥善收回治外法權彼時日僧如來當聽其徧游內地傳教斷不稍加裁制若無治外之權則皈依多一教民卽地方多一教案游歷多一教士卽政府多一交涉三十年之賠款九萬萬之膏腴取之於民至爲慘酷實不忍一誤再誤復貽患於將來此誠椎心泣血之言非第取益防損之說區區愚見是否有當伏乞訓示祇遵

七月二十一日

英使薩道義致外部寶昌公司與英商伊德已訂礦務

合同無庸註銷照會

爲照會事本年四月間據本國駐滬總領事官將代表惠工公司英商伊德與寶昌公司候選道高爾伊所立合同一分詳送請轉致外務部立案等因在案查此合同係承辦浙省衢嚴溫處四府鐵煤礦產於三十年十二月十五日訂立由浙江農工商礦局蓋印惟浙撫已將該合同咨部與否本大臣未得詳悉當經復飭本國駐滬總領事官查報去後茲據覆詳光緒二十九年正月二十日奉有硃批准寶昌公司向惠工公司借款承辦該處礦產該公司卽與惠工公司代表人伊德商定聘用工程師前往勘視領有護照並請農工商礦局轉致外務部各在

案乃於光緒三十年春間浙撫准外務部咨詢高觀察辦理成效如何經高觀察向農工商礦局聲明一切惟浙撫似於此事並無咨覆故外務部於本年春間又咨浙撫以該公司既未勘視地方復逾期限應將全案註銷等語高觀察即於三月十七日函覆農工商礦局以所聘之工程師一年以來屢次往返勘視且按照奏准章程第七款並未定限勘視雖訂自發給執照之日起限十二個月內開工而公司尙未請領開工執照何能謂其違章逾限云云旋於本年四月初七日經本總領事將該合同照送浙撫當准覆稱以外務部既飭將此案註銷自應勿庸再議又本月初三日本國駐寧波領事帶同英商伊德前往浙省面晤撫憲亦經浙撫將以上各語相答等情前來本大臣查以上各節貴

部於此案似有誤會之處高觀察係奉旨准其代寶昌公司與惠工公
司訂立合同經該公司等先派工程師領有農工商礦局所發護照前
往勘視所辦各事當由高觀察隨時報明該局上年十二月間已訂立
正合同訂明惠工公司籌備銀五百萬兩承辦礦務此合同由浙江農
工商礦局蓋印該省撫憲似不能不知其情事應將合同咨部倘經咨
部則貴部必能知該公司並未違章亦無逾限合行將該合同鈔送貴
部查照即希電知浙撫以前咨註銷之語勿庸施行是爲切要

七月二十一日

外部覆英使寶昌公司與英商私訂礦務合同礙難允

認照會

爲照覆事本年七月二十一日接准來函

以下照錄來文

等因照會前來查浙

紳高爾伊擬設寶昌公司請開浙省衢嚴溫處四府境內數處礦產向義商惠工公司沙鏢納貸銀五百萬兩訂立合同二十條並呈義使薩爾瓦葛使款單一紙當經本部於光緒二十九年正月奏准有案惟該合同第一條係聲明寶昌公司與義商貸款訂立合同並無英商字樣來照附送合同於義商上添一英字並將義商沙鏢納改作英商伊德顯與奏案不符本部礙難允認據浙江巡撫查覆亦未蓋用商務局印信尤屬毫無憑據茲將本部奏准合同鈔送貴大臣查閱即知此案並無英商在內伊德無從干預相應照覆貴大臣飭知可也七月二十二日

外部咨聶緝渠義商貸款與高爾伊辦浙礦並無英商

在內希與英領辨駁文

爲咨行事案查浙紳高爾伊承辦浙礦逾限撤銷一事前經貴撫將轉飭撤銷並照覆英領各節咨達到部嗣准英使來照以代表惠工公司英商伊德與寶昌公司訂立合同承辦浙省衢嚴溫處四府鐵煤礦產此合同由浙省農工商礦局蓋印該省撫憲似不能不知其情並將合同照送前來當經本部以此案係高爾伊與義商沙鏢納貸款承辦訂立合同並無英商字樣來照附送合同與奏案不符本部礙難允認據浙撫查覆亦未蓋用商務局印信尤屬毫無憑據等情照覆在案茲據浙紳樊恭煦等電稱英領照會浙撫以高爾伊與英商伊德曾訂衢嚴溫處辦礦合同已由商礦局蓋印詰商知否而撫署並無卷據情節支離自無承認之理應請迅電浙撫澈底查究等語查此案本係高爾伊

與義商沙鏢納貸款承辦並無英商在內自應照案駁斥除已電達外相應鈔錄來往照會並浙紳來電咨行貴撫查照卽希查明確情與英領辦駁並聲覆本部可也須至咨者 七月二十八日

鄂督張之洞致樞垣贖回粵漢合同請旨畫押電

附合同

接駐美梁使電稱合興股東批准草約現由英格瀾福士達公擬售讓合同全以草約爲底本聲明中國大皇帝諭旨批准及合興議定將草約辦法施行等語誠細核此稿款式均尙合例詞意亦無出入已與合興議定西九月六號即中歷八月初八日會同簽字可否奏明請旨照稿簽押乞鈞裁等語查此項草約前已由電奏陳詳核條款均尙妥協擬請旨准予畫押以期早日收回路權由三省自籌開辦實與大局有